



Alboinus filius fuit Valtharithi regis Vinulo-
rum, qui ante cētum circiter annos ex Scan-
davia insula & finitimis locis Germaniæ Septen-
trionalis, Thatone & Aione ducibus, in Bulgariā
peruenerunt. Eo autem tempore quo Odoacer I-
talia est potitus, Vinuli sua arma ad Danubiū usq̃
promouerunt, atq̃ paulatim inferiorem & superi-
orem Pannoniam occuparunt. Cum autem hi fe-
rē soli eo tempore ex Germanis barbam longius
alerēt, iam inde Longobardi dici cœperunt. In ea
gente tandem anno Christi 505 Alboinus uir for-
tissimus rex est electus. Is statim Gepidas, qui &
ipsi Pannoniam sibi uēdicassent, bello aggressus,

ipiorum regem Thurimundum, eius Ardarici qui cum Athila militauerat p-
nepotem, interfecit, & eam gentem sibi subiecit. Hac ratione factū, ut Hunni
Athilani exercitus reliquiæ, qui post Athilæ mortem à Gepidarum regibus
prælio erant superati, sese Alboino dederint, filijs Athilæ in Scythiam pro-
fligatis. Ibi uerò ab Auaro fortissimo suo duce sese postea Auares dixerunt.
Cum autem Gepidæ Comundum sibi regem elegissent, & denuò belli fortu-
nē tentare statuissent, Longobardi ab Auaribus adiuti prælio cōmisso denuò
uicerunt, & regem cum omni ferē nobilitate interfecerūt. Itaq̃ Alboinus A-
uarum genti Noricum cōcessit, quę regio postea ab ipsis, b litera adiecta, Ba-
uaria dicta est. Erant Gepidarum opes ijs prælijs adeò attritæ, ut postea nul-
lum per se ducem habuerint, uerū partim Lōgobardis admixti, in eius gen-
tis nomen abierint: partim uerò sub Auarum umbra superioris Pānoniæ par-
tem incoluerint. Alboinus uerò Comundi interfecti regis caput per aliquot
dies castris circumtulit, pateramq̃ ex eius caluaria fecit, et multo auro insigni-
uit, ex qua iam inde solennibus epulis conuiujsq̃ libare perseverauit. Iunxit
etiā Rosimundam Comundi filiam sibi matrimonio, ut hac ratione Gepi-
darum gentem sibi obsequentiorem haberet.